

Takwane - Agape Maleba Ootaleleya - God's Love Letter Scriptures

Zhuwawu 15:9 <<Wona Baabi munagidhiveleliye, mwa mukalelo mmohive, miyo ginowuudhivelani. Mukalegeve mwa odhivela waaga.

Ezaya 43:1,2 - AEfeso 2:10 Dhiinova hiyo nili oopaddusiwa axa a Mulugu, oosasanyiwa mwaha wookala muumohini ni Yesu Kirixtu wi niiregena meerelo apama, meerelo Mulugu yaasasanyiliye wi nawiiregena.

Zheremiya 1:5 - AGalasiya 1:15 Mbwenye Mulugu ahigisakula gihinabaliwe, ogiithana mwa mahala aaye.

Zhuwawu 15:16 Kahuwo nyo mugisakulile, mbwenye miyo duusakulileni, wuuthomani wi mudhowe, mwavahe dhoovaha, dhoovaha dhiwa dhoologela. Mweeragana ndo dhaatedhene munamulobigiinyu Baabi mwa ndina naaga oneerege wuuvahani. 3 Zhuwawu a Neetharu 1:2
Oodhivela aaga, ginoolobelwa wi dhaatedhene dheedde pama ni we, okale ni egumi yapama wona mwemo mukaleliwe pama mmunebani.

Ezaya 43:4 - 1 Peduru Owambeela 2:9,10 Mbwenye nyo muli nlogo nsakuliwe, anamakutha a Omwene, nlogo noweela, nlogo naaye-naaye na Mulugu wi nlaleyeye opogo wa ole wuwiithanileni mwiipipini wi mukale mowaara mwaaye mootikiniha. 10 Wale nyoovo kamwaali nlogo, mwaali athu bure mbwenye dhiinova muli nlogo na Mulugu, wale kamwaakelile thagaraga dha Mulugu, mbwenye dhiinova muhaakela thagaraga dhaaye.

Zheremiya 31:3 - AEfeso 1:4 Mulugu ahiirana ela mwaha wi ahnidhivela, onisakula elabo ehinasasanyiwe wi noonewe wona oweela mirima ni oohukalana yoothega.

2 Timoteyo a Nabiili 1:9 Oliye ohunivulumusa teto ohuniithanel mabasa oweela. Dhedhi keerilena mwaha wi hiyo nahiirana dhabama, eehi, mbwenye mwaha wa ofuna ni mahala aaye. Ohunivaha mahala ala vasasanyedheliye onirumihedha Yesu Kirixtu elabo ehinapaddusiwe.

Zhuwawu 3:16 <<Mulugu ahidhivela vajinji elabo ela ya vati, ofiyedha ompeleka Mwaanaye mmohive wi aatene enaamuroromele ehirimeele, mbwenye ekalena egumi yoohumala. Ozeya 11:8; Ezaya 49:15,16; & Ezaya 41:13,14

Luka 12:32 <<Kamoove nyo, nikwedda ning'onong'ono na mabila, vowi Babiinyu ohudhiveliwa wuuvahani Omwene waaye.

Matewuzhi 28:20 mwasuuzihaga ologolela dhaatedhene dhedho miyo dhowaaddeliimini. Muubuwelege wi miyo gili ni nyo malabo maatene, ofiyedha omakuthulo wa elabo ela>>.

Zhuwawu 14:1 Yesu ahawaaddelaga anamasuuza aaye, wiira: <<Mirima dheenyu kadhikathamihey. Mmuroromele Mulugu teto mugiroromele miyo.

MaSaalimu 23:1 - Zhuwawu 10:11 <<Miyo gili makambuzi apama. Makambuzi apama onoveleela egumi yaaye mwaha wa mabila aaye.

MaSaalimu 23:2 - Ovuhulela 7:17 Vowi Nibila oli vakukuuve va mpando dinaakale Makambuzi eewa. Oliye oneerege waasogolela muli aneedduuddu a mahinje a egumi yoohumala. Vano Mulugu oneere waafufutha mitor dhaatedhene mwiintoni mweewa>>. MaSaalimu 23:3,4 - Luka 1:79 wi naamoneyele ale eneedda mwiipipini ni murinti wookwa, wi aasogolele manyalo eehu mundila ya

murenddele>>. MaSaalimu 23:5,6 - 2 AKorintu a Nabiili 1:10 Oliye onivulumusile mwa dhowoopiha dhoottabwa dhinajejhiihu, vano oneerege onivulumusave; mwa oliye nihikanna ojejha wi oneere onivulumusa.

AFiliposi 4:7 Vano murenddele wa Mulugu, ohunandeya ononiwa, oneere okam-eela mirima dheenyu ni moobuwelelo eenyu, vowi nyo muli mwa Yesu Kirixtu.

Poroveribiyo 3:24 & MaSaalimu 4:8 - Zhuwawu 14:27 <<Ginowuuhiyedhani murenddele. Murenddele waaga ginowuuvhani, kaginoovahani wona elabo munavaheliwa. Mirima dheenyu kadzikathamiheye naari woova.

MaSaalimu 33:18 - 1 Peduru Owambeela 3:12 Vowi meento a Nabwiya enawaang'ana athu ovirhamo, mabaru aaye enavuruwana malobel eewa, mbwenye kove ya Nabwiya enotakaleliwa ni ale eneerana dhabure>>.

ARoma 5:2 Oliye dinifugulele dila wi voororomela naakele mahala Mulugu enanivahiiye, mukaraatiliihu dhiinova. Mowindo nnogayela moojejha nthithimihon a Mulugu.

Ezaya 55:12 - Luka 19:40 Mbwenye Yesu ahawaakulaga, wiira:
<<Ginowuwaaddelani wi aliwa yamaala mabwe binakuwege>>.

Zhuwawu 16:22 Mwa mukalelo mmohive dhiinova muli ookubanya, vano ginoodha guwooneni dila ya nabiili, vevo mirima dheenyu dhinoodha dhiagalale. Kalivo onowaakeni ohagalala weenyu.

Luka 12:9 Mbwenye ole onagikoodde vameentoni va athu miyo ginodha gimukoodde vameentoni va angero a Mulugu.

Matewuzhi 10:30 Owoga dha nyo, ni mathitheene a mmuruni enoweelengiwa.

Ezaya 54:10 - Matewuzhi 24:35 Elabo ya vati ni odhulu dhinoodha dhimale, mbwenye madhu aaga kidha emala.

Matewuzhi 11:28-30 <<Dhaani wa miyo, nyo mwaatene oogoma ni oonyemeliwa sape, vowi miyo ginowuuvhani ovuma. 29 Mwiireye sape yaaga, musuze wa miyo, mwaha wi gili ookurumuwa ni owiiyeviha murima; vano munoofwanya ovuma wa mineba dheenyu. 30 Vowi nipiddi naaga kannarusa, vano sape yaaga soovevuwa>>. Salomawu 2:10 & Ozeya 2:14,19,20

2 AKorintu a Nabiili 11:2 Vowi aje yinnimina ni nyo enadha wa Mulugu. Vowi guhuuromelihani oteliwa ni mulobwana mmohi baahi, oli Kirixtu wona namwali oororomeleya ohumunonile mulobwana.

Okuma 3:14 Mulugu ahiwoga ni Mozezi, wiira: <<Miyo Gili Oyene Oli Oyene. Wawaaddele aEzarayeli, weere: <Miyo Gili Oyene> digirumile odha wa nyovo.

Ozeya 13:4 - Meerelo a Arumiwi 4:12 Kalivo mmohi naari onavulumusa. Vowi elabo ya vati, kanilivo ndina nimohi nivahiwe vaari va athu wi nivulumusiwena>>.

Zhuwawu 15:14 Nyo muli akwaaga mweeddagave mule munoolamuliimini.

Zhuwawu 14:6 Yesu ahimwaakulaga, wiira: <<Miyo gili dilaya teto gili ebaribari ni egumi. Kalivo onadhowa wa Baabi ahivirile wa miyo.

Ovuhulela 3:20 Mwiiwe! Giimelile vamulago, ginokokotha. Mmohiwa eewa ndhu naaga, afugula musiwo, ginovolowa, gije ni oliye vano oliye ni miyo.

Pastor T. John Franklin

Church of Salvation, Healing, and Deliverance - COS-HAD.org